

Na osnovu člana 72. stav (3) tačka a). Zakona o javnim nabavkama („Službeni glasnik BiH“, broj: 39/14), Pomoćnik gradonačelnika za Službu civilne zaštite, donosi

ODLUKU o dodjeli ugovora drugorangiranom ponuđaču

Član 1.

Ugovor za nabavku i ugradnju rasvjetnih tijela, dodjeljuje se drugorangiranom ponuđaču „ELWORK“ DOO TUZLA, sa ponuđenom cijenom od 4.257,00 KM bez PDV-a odnosno 4.980,69 KM sa uračunatim iznosom PDV-a, a nakon što je najpovoljniji ponuđač, u ostavljenom roku, djelimično dostavio traženu dokumentaciju iz člana 45. Zakona o javnim nabavkama.

Član 2.

Ovom odlukom stavlja se van snage Odluka o izboru najpovoljnijeg ponuđača broj: 11/11-C-000069-2020 od 28.04.2020.godine kojom se ugovor za nabavku i ugradnju rasvjetnih tijela, dodjeljuje ponuđaču „TIROL“ DOO TUZLA.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11/11-C-000069-2020 od 03.04.2020.godine.

Postupak nabavke je proveden putem konkurentskog zahtjeva za dostavu ponuda za koji je objavljeno Obavještenje o nabavci broj: 1004-7-1-43-3-94/20 objavljeno na Portalu javnih nabavki dana 06.04.2020.godine.

Postupak nabavke provela je Komisija za nabavke imenovana Rješenjem broj: 11/11-C-000069-2020 od 03.04.2020.godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 2 (dvije);
- da su blagovremeno zaprimljene 2 (dvije) ponude;
- da nije bilo neblagovremenih ponuda;
- da nije bilo neprihvatljivih ponuda.

Svi ponuđači su obaviješteni o rezultatima postupka nabavke, te je najpovoljniji ponuđač pozvan da dostavi dokumentaciju iz člana 45. Zakona o javnim nabavkama u roku od 5 dana od dana prijema obavještenja o rezultatima postupka javne nabavke.

U obavještenju o rezultatima postupka javne nabavke izabrani ponuđač „TIROL“ DOO TUZLA je pozvan da u skladu sa tenderskom dokumentacijom, u roku od 5 (pet) dana od dana prijema ovog obavještenja dostavi u originalu ili ovjerenoj fotokopiji, između ostalog, pod tačkom a) : „kumulativno, potvrdu Suda Bosne i Hercegovine i uvjerenje suda prema sjedištu kandidata/ponuđača, kojima dokazuje da protiv kandidata/ponuđača u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca”, a kako je zahtjevano, tenderskom dokumentacijom, Odjeljak C – Uslovi za kvalifikaciju ponuđača, tačkom 1.2. Dokazi koje ponuđač mora dostaviti u pogledu lične sposobnosti, alineja 4., da je ponuđač dužan dostaviti kumulativno, potvrdu Suda Bosne i Hercegovine i uvjerenje suda prema sjedištu kandidata/ponuđača.

Izabrani ponuđač „ TIROL“ DOO TUZLA je **do predviđenog roka** za dostavu tražene dokumentacije iz člana 45. Zakona o javnim nabavkama dostavio djelimično traženu dokumentaciju, te je propustio da dostavi kumulativno, potvrdu Suda Bosne i Hercegovine i uvjerenje suda prema sjedištu kandidata/ponuđača, odnosno dostavio je samo uvjerenje suda prema sjedištu kandidata/ponuđača.

U skladu sa naprijed navedenim, Ugovorni organ je postupio u skladu sa članom 72. stav (3) tačka a). Zakona o javnim nabavkama i ugovor dodijelio drugorangiranom ponuđaču, kao što je i navedeno u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ove odluke.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba civilne zaštite
Broj: 11/11-C-000069-2020
Datum, 22.05.2020.godine

Pomoćnik gradonačelnika
za Službu civilne zaštite

Stjepić Slavko, dipl.ing.arh.